



Broj: 06-08-1-3351/2023  
Sarajevo, 02.11. 2023. godine

## SVIM SUDOVIMA U BOSNI I HERCEGOVINI N/r predsjednika sudova

**PREDMET:** Dostavljanje statističkih podataka o radu sudova za 2023. godinu i ocjenjivanje rezultata rada nosilaca pravosudnih funkcija u sudovima za 2023. godinu, *traži se*

Poštovani,

Visoko sudsko i tužilačko vijeće Bosne i Hercegovine (u daljem tekstu: VSTV BiH) poziva predsjednike sudova da dostave podatke o radu sudova za 2023. godinu i provedu postupak ocjenjivanja rezultata rada nosilaca pravosudnih funkcija u sudovima za 2023. godinu.

Napominjemo da će VSTV BiH, za potrebe izrade odgovarajućih dijelova Godišnjeg izvještaja VSTV BiH za 2023. godinu, iz Sistema za automatsko upravljanje predmetima u sudovima (CMS) preuzeti statističke podatke o radu sudova za prethodnu godinu. Podaci će se preuzeti iz CMS-a 17.01.2024. godine, nakon završetka radnog dana.

### ***I. Dostavljanje statističkih podataka i narativnog izvještaja o radu sudova za 2023. godinu***

Tabele za obračun pojedinačnih i kolektivnih radnih rezultata u sudu dostupne su na Internet adresi: <https://vstv.pravosudje.ba/vstvfo/B/141/article/123401>

Potrebno je da sudovi predmetne tabele preuzmu, popune i dostave VSTV-u BiH najkasnije do **01.02.2024. godine** isključivo elektronskim putem na e-mail adresu: [vstvstatistika@pravosudje.ba](mailto:vstvstatistika@pravosudje.ba).

Molimo da kantonalni sudovi u Sarajevu i Tuzli sa navedene Internet adrese preuzmu tabelu za obračun radnih rezultata pod rednim brojem 6a, dok će ostali kantonalni i okružni sudovi preuzeti tabelu za obračun radnih rezultata pod rednim brojem 6.

Za tačnost i blagovremenost podataka u CMS-u i dostavljenih podataka u tabelama za obračun radnih rezultata u sudovima odgovorni su predsjednici sudova.

Podsjećamo da su sudovi obavezni pripremiti izvještaj o radu suda za 2023. godinu u skladu sa **Smjernicama VSTV-a BiH** za izradu godišnjeg narativnog izvještaja o radu suda, koje se mogu preuzeti na gore navedenoj Internet adresi. S tim u vezi, Smjernice su dopunjene na način da je predviđeno da narativni izvještaj sadrži informaciju predsjednika suda o izvršavanju obaveze pravilnog evidentiranja i izvještavanja VSTV-a BiH u vezi predmeta koji su završeni usljed nastupanja zastare u krivičnim i prekršajnim predmetima, a u skladu sa instrukcijama VSTV-a BiH, kao i informaciju o aktivnostima poduzetim u cilju implementacije Strategije za unapređenje rodne ravnopravnosti u pravosuđu BiH i postignutim rezultatima.

Sudovi su dužni dostaviti ovaj izvještaj VSTV-u BiH do 15.02.2024. godine, na slijedeću e-mail adresu: [vstvstatistika@pravosudje.ba](mailto:vstvstatistika@pravosudje.ba).

Napominjemo, na navedenoj Internet adresi postavljene su i Smjernice za objavljivanje tužilačkih i sudskih odluka na službenim web stranicama i Tabela za objavljivanje sudskih odluka koju će sudovi koristiti prilikom izvještavanja VSTV-a BiH o načinu komuniciranja sa javnošću, uključujući i informisanje o objavi odluka u 2023. godini. Popunjenu Tabelu za objavljivanje sudskih odluka sudovi će dostaviti do 01.02.2024. godine na prethodno navedenu e-mail adresu zajedno sa tabelama za obračun pojedinačnih i kolektivnih radnih rezultata u sudu.

Dodatno napominjemo da će VSTV BiH sudovima naknadno uputiti zahtjev da, sa gore navedene internet adrese, preuzmu, popune i VSTV BiH dostave popunjene tabele sa podacima potrebnim za popunjavanje Upitnika Evropske komisije za efikasnost pravosuđa u okviru Vijeća Evrope za države iz regije Zapadni Balkan.

## **II. Ocjenjivanje rezultata rada nosilaca pravosudnih funkcija u sudovima za 2023. godinu**

**Novi Kriteriji za ocjenjivanje** rada nosilaca pravosudnih funkcija u sudovima u BiH su usvojeni na sjednici VSTV-a BiH održanoj 21.12.2022. godine i objavljeni u Službenom glasniku BiH broj 85/22, o čemu je VSTV BiH dostavio obavještenje 28.12.2022. godine. Kriteriji za ocjenjivanje rada nosilaca pravosudnih funkcija u sudovima u BiH i obrasci za ocjenu rada nosilaca pravosudnih funkcija u sudovima za 2023. godinu dostupni su na Internet adresi:

**<https://vstv.pravosudje.ba/vstvfo/B/141/article/123401>**

U novim Kriterijima za ocjenjivanje rada nosilaca pravosudnih funkcija u sudovima u Bosni i Hercegovini:

- isključen je element ocjene rada „Posebni slučajevi ocjenjivanja“ i
- predviđena je odredba kojom se ocjenjivač obavezuje da izradi mjere za unapređenje rada sudije koji je ocijenjen sa ocjenom rada „nezadovoljavajuće obavlja sudijsku funkciju“ ili „zadovoljavajuće obavlja sudijsku funkciju“.

VSTV BiH je na sjednici održanoj 17. i 18.01.2023. godine usvojilo **Uputstvo za primjenu novih Kriterija za ocjenjivanje rada predsjednika sudova u Bosni i Hercegovini i Kriterija za ocjenjivanje rada sudija u Bosni i Hercegovini (u daljem tekstu: Uputstvo)** broj 06-08-1-263/2023, a koje je dostavljeno svim sudovima putem elektronske pošte dana 20.01.2023. godine. VSTV BiH je tokom 2023. godine izvršilo usklađivanje odredbe člana 7. stava (4) i (5) i člana 8. stava (5) Uputstva sa relevantnim odredbama Kriterija, te na sjednici održanoj 27. i 28. 09.2023. godine usvojilo prečišćeni tekst Uputstva broj 06-08-1-263/2023 koje je dostupno na gore navedenoj Internet adresi. Uputstvo je usvojeno kako bi se osiguralo da ocjenjivači na jedinstven način i pravilno primjene Kriterije za ocjenjivanje rada u svim sudovima u Bosni i Hercegovini.

U vezi sa primjenom Uputstva posebno skrećemo pažnju na slijedeće:

### **1. Nedovoljan broj predmeta za ostvarenje godišnje orijentacione norme (član 4. Uputstva)**

Članom 4. Uputstva detaljno je pojašnjen način postupanja ocjenjivača u situaciji kada postoje indikacije da u izvještajnoj kalendarskoj godini nije ostvarena godišnja norma zbog nedovoljnog broja predmeta dodijeljenih u rad jednom ili više sudija. Analiza procesa ocjenjivanja za 2022. godinu je ukazala da određen broj sudova tokom provođenja postupka ocjenjivanja nije na adekvatan način tumačio relevantnu odredbu Kriterija za ocjenjivanje rada u sudovima u Bosni i Hercegovini i član 4. Uputstva. Takvim postupanjem ocjenjivači su ocjenjivanim nosiocima pravosudnih funkcija omogućili da ostvare visoke procenete riješenosti predmeta u periodu ocjenjivanja, te dodjeljivali najveći predviđeni broj bodova za ovaj element ocjene rada. Slijedom uočenog, izrađena je posebna pomoćna tabela u koju će se unositi obrazloženje za predmete koje nije mogao riješiti sudija ocijenjen u okolnostima nedovoljnog broja predmeta. Navedena tabela je dostupna na gore navedenoj Internet adresi.

## **2. Statistički kvalitet odluka (član 5. Uputstva)**

Podsjećamo, instancijski sudovi imaju obavezu da vode odgovarajuće evidencije sadržane u tabeli Podaci o ukinutim odlukama ili odlukama koje se smatraju ukinutim a koje se neće uzimati u obzir kod izračuna statističkog kvaliteta odluka, i najkasnije do **10.01.2024. godine**, dostave podatke neposredno nižim sudovima i VSTV BiH o odlukama iz člana 17. stav (3) Kriterija za ocjenjivanje rada sudija u Bosni i Hercegovini i člana 20. stav (3) Kriterija za ocjenjivanje rada predsjednika sudova u Bosni i Hercegovini. Nižestepeni sudovi u broj ukinutih odluka prilikom računanja procenta ukinutih odluka iz člana 17. stav (1) tačka a) i b) Kriterija za ocjenjivanje rada sudija i člana 20. stav (1) tačka a) i b) Kriterija za ocjenjivanje rada predsjednika sudova, neće uzimati u obračun odluke evidentirane u tabeli dostavljenoj od strane višeg suda.

## **3. Element ocjene Ažurnost rada – procenat realizacije plana rješavanja predmeta (član 6. Uputstva)**

Odredbom člana 6. Uputstva detaljno je pojašnjen način obračuna procenta realizacije plana rješavanja predmeta u sudovima. Potrebno je posebno skrenuti pažnju da se prilikom obračuna procenta realizacije plana rješavanja predmeta za potrebe ocjenjivanja iz obračuna isključuju predmeti koji su u planu označeni da imaju procesnu ili zakonsku smetnju, odnosno potrebno je u CMS sistemu koristiti izvještaj „Realizacija plana u periodu izvještavanja D/B“ na način da se odabere opcija „Prikaži samo rješive predmete“.

## **4. Element ocjene Ažurnost rada – blagovremenost u izradi sudske odluke i donošenju naredbe za otpremu sudske odluke i poštivanje zakonskih rokova u zakazivanju i nastavcima pretresa/rasprava (član 7. Uputstva)**

Ukazujemo da je članom 7. Uputstva propisana obaveza ocjenjivača da u Obrascu broj 4. (Ažurnost i efikasnost rada sudija iz člana 18. stav (1) tačka b) Kriterija za ocjenjivanje rada sudija u BiH ) i Obrascu broj 5. (Ažurnost i efikasnost rada predsjednika suda iz člana 21. stav (1) parametar b) Kriterija za ocjenjivanje predsjednika sudova u BiH) navede izvore informacija korištene pri analizi rada ocjenjivanog nosioca pravosudne funkcije, odnosno donošenja odluke o dodjeli bodova kao i detaljno obrazloži razloge dodjele određenog broja bodova po ovom elementu ocjene rada. Dodatno napominjemo da je VSTV BiH od predsjednika sudova dopisima broj 06-08-1-2302-1/2023 od 22.06.2023. godine i broj 06-08-1-2302-7/2023 od 01.08.2023. godine zatražio da definišu dodatne parametre u okviru postojećih elemenata ocjene rada koji će im pomoći da na objektivniji način procjene rezultate rada u sudovima kojima rukovode i dodjele adekvatan broj bodova za predmetni parametar. Pored toga, na ovaj način će se nastojati izbjeći paušalna dodjela najvećeg predviđenog broja bodova značajnom broju nosilaca sudskih funkcija, čak i u slučajevima kada je očito da konkretnom ocjenjivanom nosiocu sudske funkcije nije bilo opravdano dodijeliti najveći predviđeni broj bodova.

## **5. Unos dodatnih obrazaca u bazu podataka VSTV-a BiH**

Skrećemo pažnju na odredbu člana 12. Uputstva kojom je predviđeno da se obrasci iz člana 7. stav (2), člana 8. stav (2) i člana 11. ovog Uputstva unose u bazu podataka VSTV-a BiH uz obrazac za ocjenjivanje rada nosilaca pravosudnih funkcija shodno Uputstvu za popunjavanje elektronskog obrasca u bazi podataka VSTV-a BiH i unos skeniranih obrazaca za ocjenjivanje rada nosilaca pravosudnih funkcija u sudovima u bazu podataka VSTV-a BiH.

## **6. Rok za provođenje postupka ocjenjivanja i postupanje sudova u bazi VSTV-a BiH**

U skladu sa članom 4. stav (1) Pravilnika o postupku ocjenjivanja rada predsjednika sudova, sudija i stručnih saradnika (broj 06-02-3-3488/2016 od 14.12.2016. godine i broj 06-08-1-3284/2018 od 23.10.2018. godine) postupak ocjenjivanja rada je potrebno završiti i unijeti obrasce za ocjenjivanje rada u bazu podataka VSTV-a BiH najkasnije **do 01.03.2024. godine**. Stalna komisija nadležna za

nadzor nad ocjenjivanjem rada nosilaca pravosudnih funkcija u sudovima (Stalna komisija za efikasnost i kvalitet sudova), shodno članu 4. stav (5) Pravilnika je dužna izvijestiti VSTV BiH o ocjenjivačima koji propuste da blagovremeno provedu postupak ocjenjivanja.

Smatraće se da je ocjenjivanje rada okončano nakon što predsjednik suda o tome dostavi obavještenje na e-mail adresu [vstvpravosudnauprava@pravosudje.ba](mailto:vstvpravosudnauprava@pravosudje.ba). Ovo obavještenje će se bez odlaganja dostaviti VSTV-u BiH na Obrascu broj 3. koji je uvršten u materijale za ocjenjivanje rada na gore navedenoj Internet adresi.

U cilju efikasnog provođenja postupka izvještavanja o radu suda i ocjenjivanja rezultata rada nosilaca pravosudnih funkcija u sudu, **neophodno je da se blagovremeno upoznaju sa ovim dopisom i svim materijalima koji će se koristiti u ovom postupku:** predsjednik suda, nosioci pravosudne funkcije u sudu, sekretar suda i drugi zaposlenici u odjeljenju sudske uprave, šef pisarnice i odgovorni zaposlenici u pisarnici suda i IKT službenici suda. Od izuzetne je važnosti da se osigura da IKT službenici u sudovima postupaju u skladu sa Uputstvom za popunjavanje elektronskog obrasca u bazi podataka VSTV-a BiH i unos skeniranih obrazaca za ocjenjivanje rada nosilaca pravosudnih funkcija u sudovima u bazu podataka VSTV-a BiH.

Eventualna pitanja u vezi materijala za postupak izvještavanja o radu suda i ocjenjivanja rezultata rada nosilaca pravosudnih funkcija u sudu možete dostaviti putem e-mail adrese [vstvpravosudnauprava@pravosudje.ba](mailto:vstvpravosudnauprava@pravosudje.ba) najkasnije do 15.12.2023. godine.

Za sve dodatne informacije u vezi sa pripremanjem traženih statističkih podataka za 2023. godinu i provođenjem postupka ocjenjivanja rezultata rada nosilaca pravosudnih funkcija molimo Vas da kontaktirate Odjel za pravosudnu analitiku i izvještavanje putem naprijed navedene e-mail adrese.

S poštovanjem,

  
Predsjednik VSTV BiH  
Halil Lagumdžija

Dostaviti:

- Naslovu,
- Svim sudijama, Sekretarima sudova,
- Šefovima pisarnica,
- IKT službenicima u sudovima,
- Odjelu za unapređenje efikasnosti i kvalitete rada u sudovima Sekretarijata VSTV-a BiH,
- Odjelu za IKT Sekretarijata VSTV-a BiH,
- Odjelu za imenovanje i napredovanje Sekretarijata VSTV-a BiH.